

CYNGOR SIR YNYS MÔN / ISLE OF ANGLESEY COUNTY COUNCIL

| | |
|-----------------------------|--|
| PWYLLGOR: | Pwyllgor Safonau |
| DYDDIAD: | 18 Mehefin 2026 |
| TEITL YR ADRODDIAD: | Caniatâd Arbennig |
| PWRPAS YR ADRODDIAD: | Hysbysu'r Pwyllgor Safonau am ganlyniad unrhyw geisiadau am ganiatâd arbennig ers yr adroddiad ysgrifenedig diwethaf i'r Pwyllgor Safonau |
| ADRODDIAD GAN: | Lisa Lord Rheolwr Gwasanaethau Cyfreithiol/Dirprwy Swyddog Monitro LisaLord@ynysmon.llyw.cymru |
| SWYDDOG CYSWLLT: | Lynn Ball Cyfarwyddwr Swyddogaeth (Busnes y Cyngor) / Swyddog Monitro lbxcs@anglesey.gov.uk |

1. CYFLWYNIAD

Fel y nodir yn y Cod Ymddygiad ar gyfer Cyngor Tref Biwmares, mae unrhyw aelod sydd â diddordeb personol sy'n rhagfarnu mewn eitem o fusnes wedi'i wahardd rhag cymryd rhan yn y busnes hwnnw.

Mae buddiannau personol yn cael eu rhestru ym mharagraff 10 o'r Cod. Mae paragraff 12 o'r Cod yn diffinio buddiannau sy'n rhagfarnu.

Mewn rhai amgylchiadau penodol, a chyfyngedig, gall aelod oresgyn y rhwystr sy'n cael ei greu gan y diddordeb personol sy'n rhagfarnu os ydynt yn derbyn caniatâd arbennig gan y Pwyllgor Safonau.

2. CEFNDIR

Yn aml mae angen caniatâd arbennig ar fyr rybudd, ac o fewn y cyfnod o rybudd cyfreithiol lleiaf posib, ac oherwydd hynny mae'r Pwyllgor Safonau wedi sefydlu trefn lle gellir galw ar Banel o dri aelod i ddelio ag unrhyw gais a dderbynnir rhwng cyfarfodydd y Pwyllgor llawn. Gall unrhyw dri aelod annibynnol / Cyngor Sir gynnal gwrandawriad i geisiadau a dderbynnir gan gynghorwyr sir (gyda'r mwyafrif yn aelodau annibynnol) a chynhelir gwrandawriad i geisiadau gan gynghorwyr tref/cymuned gan aelodau annibynnol ac aelodau cyngor tref/cymuned (gyda'r mwyafrif yn aelodau annibynnol).

3. CEISIADAU A WNAED ERS YR ADRODDIAD DIWETHAF

3.1 Gwrandawriad o'r Panel Caniatâd Arbennig ar 30 Ebrill 2026

- 3.1.1 Gofynnwyd i Banel Caniatâd Arbennig ystyried cais gan y Cyngorydd Rhian Aledwen Jones, aelod o Gyngor Tref Biwmares.
- 3.1.2 Mae hysbysiad o benderfyniad y Panel Caniatâd Arbennig ynghlwm yn **Atodiad 1**. Gellir gweld cofnodion y cyfarfod yma - [Gwrandawriad Panel Caniatâd Arbennig](#)
- 3.1.3 Penderfynodd y Panel roi caniatâd arbennig i'r Cyngorydd Jones o dan y telerau canlynol sydd yn caniatáu i'r Cyngorydd:
- ysgrifennu at swyddogion a/neu'r Pwyllgor/Cyngor Tref ynglŷn â'r mater;
 - siarad â swyddogion y Cyngor Tref ynglŷn â'r mater ar yr amod nad ydych yn siarad â swyddogion am fusnesau unigol penodol a weithredir gan y bobl y mae gennych gysylltiad teuluol â hwy; ac
 - aros yn yr ystafell yn ystod unrhyw drafodaeth/pleidlais ar y mater;
 - Daw'r caniatâd arbennig i ben 12 mis o ddyddiad y penderfyniad hwn.

4. ARGYMHELLIAD

- 4.1 Bod y Pwyllgor yn nodi'r diweddariad.

CYNGOR SIR YNYS MÔNPENDERFYNIAD Y PWYLLGOR SAFONAU MEWN PERTHYNAS Â CHAIS AM
GANIATÂD ARBENNIG GAN AELOD O GYNGOR TREF/CYMUNED

| | |
|--|--|
| Penderfyniad y Pwyllgor Safonau: | I ddyfarnu Caniatâd Arbennig yn ôl y telerau a nodir isod mewn perthynas â'r Cais a gyflwynwyd gan y Cyngorydd Rhian Jones dyddiedig 9 Mawrth 2026 a'r Gwrandawriad dyddiedig 30 Ebrill 2026. |
| Dyddiad y gwnaed y penderfyniad gan y Pwyllgor Safonau: | 30 Ebrill 2026 |
| Enwau'r unigolion fydd yn cael eu hysbysu am benderfyniad y Pwyllgor Safonau: | Y Cyngorydd Rhian Jones Eraill: Gwasanaeth Pwyllgorau Aelodau'r Pwyllgor Safonau |
| Dyddiad mae'r caniatâd arbennig yn dod i ben: | Ar ôl 12 mis o dyddiad y penderfyniad hwn. |

Yn unol â pharagraffau (d) ac (f) o Reoliadau'r Pwyllgor Safonau (Caniatadau Arbennig) (Cymru) 2001 fel y'u diwygiwyd gan Reoliadau Llywodraeth Leol (Pwyllgorau Safonau, Ymchwiliadau, Caniatadau Arbennig ac Atgyfeirio) (Cymru) (Diwygio) 2016, mae'r Pwyllgor Safonau wedi penderfynu **rhoi caniatâd arbennig** i'r **Cyngorydd Rhian Jones** mewn perthynas â'r buddiannau hynny y cyfeirir atynt yn y Cais dyddiedig 9 Mawrth 2026, sy'n caniatáu i'r Cyngorydd:

- ysgrifennu at swyddogion a/neu'r Pwyllgor/Cyngor Tref am y mater;
- siarad â swyddogion y Cyngor Tref ynglyn â'r mater ar yr amod nad ydych yn siarad â swyddogion am fusnesau unigol penodol a weithredir gan y bobl y mae gennych gysylltiad teuluol â hwy; ac
- aros yn yr ystafell yn ystod unrhyw drafodaeth/pleidlais ar y mater.

Cyn i'r Cyngorydd siarad neu ysgrifennu at Swyddog o'r Cyngor, neu aros yn yr ystafell yn ystod trafodaeth/pleidlais ar y mater, rhaid i'r Cyngorydd:

- ddatgan diddordeb yn y mater; a
- chadarnhau ei bod wedi derbyn caniatâd yn amodol ar y cyfyngiadau uchod; a
- chwblhau hysbysiad ysgrifenedig i'r clerc yn amlinellu'r diddordeb a'r caniatâd arbennig.

Yn ôl awdurdod Pwyllgor Safonau Cyngor Sir Ynys Môn

Dyddiad: 30 Ebrill 2026